

唐
音
統
籤

丁籤六十五劉商之二

唐音統籤卷三百十

五言絕句

綠珠怨

從來上臺榭不敢倚闌干
零落知成血高樓直下看

古意

達曙寢衣冷開帷

一作門

霜露凝風吹昨夜淚一片

枕前冰

行營卽事

萬姓厭干戈三邊尚未和
將軍誇寶劒功在殺人

冬

登相國寺閣

晴日登臨好春風各望家
垂楊夾城路客思逐楊花

殷秀才來詩

傾蓋見芳姿晴天瓊樹枝
連城猶隱石惟有卞和知

酬問師

虛空無處所髣髴似琉璃
詩境何人到禪心又過詩

酬潯上人采藥見寄

玉英期其采雲嶺獨先過應得靈芝也詩情一倍多

送從弟赴上都

車騎秦城遠囊裝楚客貧月明思遠道詩罷訴何人

哭蕭掄

何處哭故人青門水如翦當時水頭別從此不相見

曲水寺枳實

相實達僧房攀故置藥囊洞庭山上橘霜落也應黃

七言絕句

醉後

春月秋風老此身一瓢長醉任家貧
醒來還愛浮萍草漂寄官河不屬人

春日行營卽事

風引雙旌馬首齊曹南戰勝日平西
爲儒不解從戎事花落春深聞鼓鼙

行營病中

心許征南破虜歸可言
羸病卧戎衣遲遲不見憐
弓箭惆悵秋鴻敢近飛

移居深山謝別親故

不食黃精不采薇
葛苗爲帶草爲衣
孤雲更入深山去
人絕音書鴈自飛

袁十五遠訪山門

僻居謀道不謀身
避病桃源不避秦
遠入青山何所見
寒花滿徑白頭人

上巳日縣寮會集不遂馳赴

踏青看竹共佳期
春水晴山褰袂詞
獨坐郵亭心

飲醉櫻桃落盡暮愁時

白沙宿寶常宅觀妓

楊子澄江映晚霞柳條垂岸一千家主人留客江
邊宿十月繁霜見杏花

裴十六廳卽事

主人能政訟庭閒帆影雲峰戶牖閒每到夕陽嵐
翠近只嫌籬障倚前山

題水洞二首

桃花流出武陵洞夢想仙家雲樹春今看水入洞
中去却是桃花源裏人

長看巖穴泉流出忽聽懸泉入洞聲莫摘山花拋
水上花浮出洞世人驚

題黃陂夫人祠

蒼山雲雨逐明神惟有香名萬歲春東風三月黃
陂水只見桃花不見人

題劉偃莊

何事退耕滄海畔閒看富貴白雲飛門前種稻三
回熟縣裏官人四考歸

題道濟上人房

何處營求出世間心中無事卽身閑門外水流風

人十集卷一
葉落惟將定性對前山

題潘師房

一作于鵠詩

渡水傍山尋絕壁白雲飛處洞門開
仙人來往行無跡石徑春風長綠苔

上崔十五老丈

天漢乘槎可問津寂寥深景到無因
看花獨徃尋詩客不爲經時謁丈人

與于中丞

萬頃荒林不敢看買山容足擬求安
田園失計全蕪沒何處春風種蕙蘭

懷張璠

商畫初師璠以造真爲意自璠
貶竄後闕張賦詩璠字文通

苔石蒼蒼臨澗水陰風裊裊動松枝
世間惟有張遵會流向衡陽那得知

謝自然却還舊居

仙侶招邀自有期九天升降五雲隨
不知辭罷虛皇日更向人間住幾時

早夏月夜閑王開

清風首夏夜猶寒嫩筍侵階竹數竿
君向蘇臺長見月不知何似此中看

贈頭陀師

少壯從戎馬上飛，雪山童子未緇衣。
秋山年長頭隨處，說我軍前射虎歸。

山中寄元二侍御二首

心期汗漫卧雲扃，家計飄零水上萍。
桃李向秋彫落盡，一枝松色獨青青。
拖紫銷金濟世才，知君倚玉望三台。
深山窮谷無人到，惟有狂愚獨自來。

寄李儋

挂却衣冠披薜荔，世人應是笑狂愚。
年來漸覺髭鬚黑，欲寄松花君用無。

合谿水漲寄敬山人

共愛碧谿臨水住相思來往踐莓苔而今却欲嫌
谿水雨漲春流隔往來

送元使君自楚移越

露冕行春向若邪野人懷惠欲移家東風二月淮
陰郡一作近惟見棠梨一樹花

送楊行元赴舉

晚渡邗溝惜別離漸看烽火馬行遲千鈞何處穿
楊葉二月長安折桂枝

送王開歸蘇州

深山窮谷没人來邂逅相逢眼漸開雲鶴洞宮君
未到夕陽帆影幾時回

送豆盧郎赴海陵

煙波極目已霑襟路出東塘水更深看取海頭秋

草色一

一作
恰如江上別離心

送劉寰北歸

南巢登望縣城孤半是青山半是湖知爾素多山
水與此回歸去更來無

送薛六暫游楊州

志在乘軒鳴玉珂心期未快隱青蘿廣陵行路風

塵合城郭新秋砧杵多

送人往虔州

莫歎乘輶道路賒
高樓日日望還家
人到南康皆下淚
惟君笑向此中花

送王丞二首

君去春山誰共游
鳥啼花落水空流
如今送別臨溪水
他日相思來水頭

綿衣似熱夾衣寒
時景雖和春已闌
誠知暫別那惆悵
明日藤花獨自看

送王貞

清揚玉潤復多才邂逅佳期過早梅槿花亦可浮
栢上莫待東籬黃菊開

滑州送人先歸

河水冰消鴈北飛寒衣未足又春衣自憐漂蕩經
年客送別千回獨未歸

行營送人

軒鼓喧喧對古城獨尋歸鳥馬蹄輕回來看覓營
飛處卽是將軍細柳營

送別

岸青門有弊廬昨來聞道半丘墟陌頭空送長

時冰素越淮湖求一松一石片雲孤鶴獲
者實之雖楚璧南金不之過也故集中求
畫之詩
爲多

柏偃松敝勢自分森梢古意出浮雲如今眼暗畫
不得舊有三株持贈君

山翁持酒相訪以畫松酬之

白社風霜驚暮年銅瓶桑落慰秋天憐君意厚留
新畫不著松枝當酒錢

酬道芬寄畫松

聞道松華學沈寧寒枝浙瀝葉青青一株將比囊
中樹若箇年多有茯苓

與湛上人畫松

水墨乍成巖下樹
摧殘半隱洞中雲
猷公曾住天台寺
陰雨後聲何處聞

畫樹後呈濬師

翔鳳邊風十月寒
蒼山古木更摧殘
爲君壁上畫松柏
勁雪嚴霜君試看

畫石

蒼蘚千年粉繪傳
堅貞一片色猶全
那知忽過非常用
不把分銖補上天

梨樹陰

福庭人靜少攀援
雨露偏滋影易繁
磊落紫香風
亞樹清陰滿地晝當軒

詠雙開蓮花

菡萏新花曉並開
濃妝美笑面相隈
西方采畫伽陵鳥
早晚雙飛池上來

不羨花

惆悵朝陽午又斜
剝栽桃李學仙家
花開花落人如舊
誰道容顏不及花

秋蟬聲

蕭條旅舍客心驚
斷續僧房靜又清
借問蟬聲何

所爲人家古寺兩般聲

句

鄮簡不解獻茱萸

客齋
隨筆

趙侯首帶鹿耳巾規模

出自陶弘景

鹿耳巾歌
海錄碎事

丁籤六十六

至六十
九同卷

唐音統籤卷

三百
十一

鄭綱字文明滎陽人憲宗初拜相後出領節鎮太和中以太子太傅致仕守道寡欲世以耆德推之

集三十卷

唐志有
宋志無

今存詩四篇

寒夜聞霜鐘

霜鐘初應律寂寂出重林拂水宜清聽凌空散迥音春容時未歇搖曳夜方深月下和虛籟風前間遠砧淨兼寒漏徹閑畏曙更侵遙想千山外泠泠何處尋

奉和武相公省中宿齋酬李相公見寄

唐音統籤

卷三百十一

丁

高閣安仁省名園廣武虛沐蘭朝太一種竹詠華
胥禁靜疎鍾徹庭閒爽韻虛洪鈞齊萬物縹帙整
羣書寒露滋新菊秋風落故藁同懷不同賞幽意
竟何如

奉酬宣上人九月十五日東亭望月見贈因
懷紫閣舊遊

中年偶逐鴛鴦侶弱歲多從麋鹿羣紫閣道流今
不見紅樓禪客早曾聞松齋月朗星初散苔砌霜
繁夜欲分一覽綵牋佳句滿何人更詠惠休文

九日登高懷邵二

簪茱泛菊俯平阡飲過三杯却惘然十歲此辰同
醉友登高各處已三年

句

情人共惆悵良友不同游

紀事云綱九月有懷邵二詩又懷林十二云云

其重友

如此

丁籤六十七

李吉甫字弘憲趙郡人補筠之子好學能屬文尤
明練典故元和中和中知制誥拜中書侍郎平章事集

二十卷

宋亡

今存詩四篇

癸巳歲吉甫圖丘繡車合於中書後閣宿齋

常負盛名。魏徵止於集賢院會門下。相公以七言垂青亦有所酬。短章絕韻不足抒意。因叙所懷。奉寄武相公兼呈集賢院諸學士。

淮海同三人。輒衝過六年。

後漢年融六年任職

廟齋兢永久。

書府會羣仙。粉壁輝霜。瞻冰池對月。圓歲時憂展。換鍾漏靜中。傳建髮頭空。老松心契獨全。贈言因傳說垂訓在三篇。

夏夜北園卽事寄門下武相公

本傳云吉甫與武元衡連

位後節度劍南履言元衡宜還爲相

結構非華宇。登臨似古原。僻株蕭相宅。蕪勝邵平

園避暑依南廡追涼在北軒煙霞霄外靜草露月中繁鵲繞驚還止蟲吟思不喧懷君欲有贈宿昔貴忘言

九日小園獨謠贈門下武相公

小園休沐暇暫與故山期樹杪懸丹棗苔陰落紫梨舞叢新菊徧繞格古藤垂受露紅蘭晚迎霜白薤肥上公留鳳沼冠劔侍清祠應念端居者長慙補袞詩

懷伊川賦

龍門南岳盡伊原草樹人烟目所存正是北州梨

棗熟夢魂秋日到郊園

丁叢六十八

李絳字深之贊皇人登宏詞科元和中拜中書侍郎輔政以直道進退屢鎮方州文宗朝節度山南

西道兵亂遇害集二十二卷

甥夏侯孜授蔣偕編劉禹錫記云公肇自

從試有司至於宰天下詞賦詔詰封章啓事歌詩贈餞金石騁功凡四百餘篇上以知君臣啓沃之

義焉宋志存集六卷

今存詩二篇

恩賜耆老布帛

渙汗中天發殊私海外存衰顏逢聖代華髮受皇恩燭物明堯日垂衣闢禹門惜時悲落景賜帛慰

餘魂厚澤沾翔泳微生保子孫盛明今尚齒敬
九衢鱗

和裴相國荅張秘書贈馬詩

高才名價欲凌雲上駟光華遠贈君念舊露垂承
相簡感知星動客卿文縱橫逸氣寧稱力馳騁長
途定出羣伏櫪莫令空度歲黃金結束助功勲

附

崔羣 字敦詩清河人元和中中戶部侍郎
同平章事大和中終檢校僕射

白居易 見本
叢後

劉禹錫 見本
叢後

庾承宣

見已載

楊嗣復

見已載

杏園聯句

杏園千樹欲隨風一醉同人此暫同

羣上司空

老態忽

忘絲管裏衰顏宜解酒杯中

絳上白

曲江日暮殘

紅在翰苑年深舊事空

居易上

二十四年流落者

故人相引到花叢

禹錫按絳穆文兩朝並再加檢校司空

花下醉中聯句

共醉風光地花飛落酒盃

絳送劉

殘春猶可賞晚

景莫相催

禹錫送白侍郎

酒幸年年有花應歲歲開

居易送兵

部相 且當金韻擲莫遣玉山頽絳送庾高會彌堪

惜良時不易陪承宣送誰能拉花住爭換得春回

禹錫送 我輩尋常有佳人早晚來同復送寄言三

相府欲散且徘徊居易時戶部相公同會按絳

弼閣長戶部相公即前崔羣並絳與嗣復稱三和府也

丁籤六十九

李逢吉字虛舟隴西人元和長慶兩朝嘗再為宰

相太和中以司徒致仕逢吉性險譎傷妬賢善其

詩與令狐楚同編者名斷全集今存七篇通考斷

卷尾公武云逢吉與楚自未第至貴顯所倡和詩也後逢吉卒楚編次之裴奕直名曰斷全集而為

之序合凡六十餘篇今取其
存者分屬兩入集自爲編云

望京臺上寄令狐華州

祗役滯南服
頽思屬暮年
閑上望京臺
萬山蔽其
前
落日歸飛翼
連翩東北天
涪江瀟在下
爲我久潺湲
中葉成文教
德威清遠邊
頒條信徒爾
華髮生蒼然
寄懷三峰守
岐路隔雲烟

再赴襄陽辱宣武相公貽詩今用奉酬

解鞍辭丹禁
揚旌去赤墀
自驚非素望
何力及清
時
又據三公席
多慙四老祠
峴山風已遠
棠樹事難追
江漢饒春色
荆蠻足夢思
唯憐吐鳳句
相示

鑿龍期

奉送李相公重鎮襄陽

海內埏埴遍漢陰旌旆還望留丹闕下恩在紫霄
間冰雪背秦嶺風煙經武關樹皆人尚愛轅卽吏
曾攀自惜兩心合相看雙鬢斑終期謝戎務同隱
鑿龍山

和嚴揆省中宿齋遇令狐員外當直之作

致齋分直宿南宮越石盧諶此夜同位極班行猶
念舊名題章奏亦從公曾驅爪士三邊靜新贈髯
參六義窮竟夕文昇知有月可憐如在庾樓中

奉酬忠武李相公見寄

直繼先朝衛與英能移孝友泮忠貞
劔門失險曾縛虎淮水安流綠斬鯨
黃閣碧幢惟是儉三公二伯未爲榮
惠連忽贈池塘句又遣羸師破膽驚

酬致政楊祭酒見寄

初還相印罷戎旂獲守皇居在紫烟
妄比鄼侯功茂爾每懷疎傳意悠然應將半俸涇間里料入中條訪洞天
十載別離那可道倍令驚喜見來篇

送令狐秀才赴舉

子有雄文藻思繁韶年射策向金門
前隨鸞鶴登

霄漢却望風沙是塞垣獨憶忘機陪出處自憐何
力繼飛翻那堪兩地生離緒蓮戶長扃行旅喧

卷終

丁籤七十

唐音統籤卷

三百十二

武元衡字伯蒼河南緱氏人建中四年登第元和初以門下侍郎平章事出爲劍南節度復召入秉政早朝爲盜所害時方討淮西故也元衡工五言詩好事者傳之往往被於絃管有臨淮集十卷宋詩三卷文獻經籍考詩二卷詩者元衡今編詩四卷晁公武云唐世工詩宜達者高適宜達工

五言古詩

奉和聖製重陽日卽事六韻

玉燭降寒露我皇歌犬風重陽德澤展萬國歡娛

同綺陌擁行騎香塵凝曉空神都自藹藹佳氣助
恣恣律呂陰陽暢景光天地通徒然被鴻霈無以
報玄功

奉和聖製豐年多慶九日示懷

令節寰宇泰神都佳氣濃廣歌禹功盛擊壤堯年
豐九奏碧霄裏千官皇澤中南山滄海凝黛曲水清
涵空金玉美王度歡康謠國風睿文垂日月永與
天無窮

塞下曲

草枯馬蹄輕角弓勁如石驕虜初欲來風塵暗南

國走檄召都尉星火勦羗狄吾身許報主何暇避
鋒鏑白露濕鐵衣半夜待攻擊龍沙早立功名向
燕然勒

獨不見

荆門一柱觀楚國三休殿環佩儼神仙輝光生顧
盼春風細腰舞明月高堂宴夢澤水連雲渚宮花
似散俄驚白日晚始悟炎涼變別是異波潮離鴻
分海縣南北斷相聞嘆嗟獨不見

古意

蜀國春與秋岷江朝夕流長波東接海萬里至楊

州開門面淮甸楚俗饒歡宴舞榭黃金梯歌樓白
雪面蕩子未言歸池塘月如練

秋思

秋空浩烟霧風柳怨寒蛩機杼夜聲切蕙蘭芳意
消美人湘水曲桂楫洞庭遙常恐時光謝蹉跎紅
艷凋

秋日對酒

行年過始衰秋至獨先悲事往悻神魄感深滋涕
淚百慮紛然在一醉兀無思寶瑟拂塵匣徽音凝
朱絲幽圃蕙蘭氣烟窻松桂姿我乏濟時略杖節

撫坤維山川大兵後牢落空城池驚沙猶振野綠
草生荒陂物變風雨順人懷天地慈春耕後秋戰
戎馬去封陞波瀾暗超忽堅白亦磷緇客有自嵩
穎重徵棲隱期丹訣學仙晚白雲歸谷遲君恩不
可報霜露繞南枝

奉酬李十一尚書大使西亭暇日書懷見寄
十二韻之作

鳴鉞昔云忝西南分主憂烟塵開楚道旌節護蠻
陬任重功不立力微恩未酬據鞍慙商髮責帥懼
春秋高德聞鄭履儉居稱晏裘三刀君入夢九折

我迴輶時景屢遷易茲焉期退休方追故山事豈
謂台階留遐挹清靜理眷言蘭杜幽一緘瓊玖贈
萬里別離愁巴嶺雲外沒蜀江天際流懷賢耿遙
思相望鳳池頭

安邑里中秋懷寄高員外

原憲素非貧嵇康自寡欲守道識通窮達命齊榮
辱庭梧變慈蔭籬菊揚芳馥墜葉翻夕霜高堂暉
華燭况茲寒夜永復嘆流年促感物思殷勤懷賢
心躑躅雄詞封禪草麗句陽春曲商德十年兄異
才千里足咫尺邈雪霜相望如瓊玉欲識歲寒心

松筠更秋綠

晨興贈友寄呈竇使君

江陵歲方晏晨起眄庭柯白露傷紅葉清風斷綠
蘿狗時真氣索念遠幽懷多夙昔東山意縱橫南
浦波有美嬋娟子百慮摺雙蛾緘情鬱不舒幽竹
自駢羅爲余歌寒苦言酒朱顏酡兩鬢倏云變世事浮雲變
功名將柰何

旬假西亭寄呈熊郎中副使

旬休屏戎事涼雨北窓眠一夜江城夢萬里繞山
川草木散幽氣池塘鳴早蟬妍芳落春後旅思生

秋前紅槿繁庭艷綠蒲繁渚烟行歌獨酌謠坐撥
朱絲絃哀玉不可扣望觴徒湛然聞君東林臥郡
閣曠周旋酬對龍象徒灑灑清冷泉如何無礙智
猶苦病纏牽

送唐次

都門去馬嘶灞水春流淺青槐驛路長

一作白日直

離亭

一作尊

晚望望烟景微草色行人遠

德宗皇帝挽歌

陸五言律詩內

長短句

石州城

丈夫心愛橫行報國知嫌命輕樓蘭經百戰更道
成龍城錦字寶車騎胡笳李少卿生離兩不見萬
古難爲情

望夫石

佳人望夫處苔蘚封孤石萬里水連天巴江暮雲
碧湘妃泣下竹成斑子規夜啼江樹白

長相思

長相思隴雲愁單于臺下望伊州鴈書絕蟬髻秋
行人天北畔暮雨海西頭殷勤大河水東海不還
流

兵行褒斜谷作

古地接龜沙邊風送征鴈霜明草正腓
峰逼日易晏集旅布嵌谷驅馬歷層澗
岷河源涉艱蜀甸途行慣矢藥孤室
豈領軍僉爵食祿由薄宦注意奏
凱赴都畿速令提兵還石坂三川頓
使氣象清寶刀買犢消憂患

出塞作

風駕逾人境長驅出塞垣邊風引去騎
胡沙拂征轅奏笳山月白結陣瘴雲
昏雖云風景異華夏亦喜地理通樓
煩白羽矢飛先火候黃金甲耀奪朝

噉要須灑掃龍沙淨歸謁明光一報恩

秋夜雨中懷友

庭空雨鳴驕天寒鴈啼苦青燈淡吐光白髮悄無
語幾年不共聯牀吟君方客吳我客楚

長安叙懷寄崔十五

延首直城西花飛綠草齊迢迢隔山水懷望思遊
子百轉黃鸝細雨中千條翠柳衡門裏門對長安
九衢路愁心不惜芳菲度風塵冉冉秋復春鐘鼓
喧喧朝復暮漢家官闕在中天紫陌朝臣車馬連
蕭蕭霓旌合仙仗悠悠劒珮入爐煙李廣少時恩

報國終軍才遇敢論邊無媒守儒行榮悴紛相映
家甚長卿貧身多公幹病不知身病竟如何懶向
青山眠薜蘿雞黍空多元伯惠琴書不見子猷過
趨名累歲與君同自歎還隨鷁退風聞說唐生子
孫在何當一爲問窮通

七言古詩

行路難

君不見道傍廢井傍開花原是昔年驕貴家幾度
美人來照影濯纈笑引銀瓶綆風飄雨散今柰何
繡閣雕甍綠苔多笙歌鼎沸君莫矜豪奢未必長

多金休說編氓朴無恥至竟終須合天理非故賺
他却成此蘇張終作多言鬼行路難路難不在九
折山

桃源行送友

武陵川徑入幽遐中有鷄犬秦人家家傍流水多
桃花桃花兩邊種來久流水一道何時有垂條落
盡暗春風夾岸芳菲至山口歲歲年年能寂寥林
下青苔日爲厚時有仙鳥來銜花曾無世人此携
手可憐不知若爲名君徃從之多所更古驛荒橋
平路盡崩滿怪石小溪行想見維舟登覽處紅堤

綠岸宛然成多君此去從仙隱令人晚節悔營營
五言律詩一

長安春望

宿雨淨烟霧春風綻百花綠楊中禁路朱戟五侯
家草色金隄晚鶯聲御柳斜無媒猶未達應共惜
年華

八月十五夜錦樓望月得中字

玉輪初滿空迥出錦城東相向秦樓鏡分飛碣石
鴻桂香隨窈窕珠綴隔玲瓏不及前秋見圓輝鳳
沼中

臺中題壁

栢臺年未老蓬鬢忽蒼蒼無事禪明主何心弄憲章
雀聲愁霰雪鴻思恨關梁會脫簪纓去故山瑤草芳

春晚西亭宴集

林花春向闌高會重邀歡感物惜芳景放懷因綵翰
玉顏穠處並銀燭焰中看若折持相贈風光益別難

早秋西亭宴徐員外

鳴鉉辭台坐麾幢領益州曲池連月曉橫笛滿城

秋有美皇華使曾同白社遊今來重相見偏覺艷
歌愁

春夜與諸公同宴呈陸三十四郎中

南國宴佳賓交情老倍親月慙紅燭淚花笑白頭
人寶瑟常餘怨瓊枝不讓春更聞歌子夜桃李艷
粧新

春日與諸公汎舟

千里雪山開沱江春水來駐帆雲縹緲吹管鶴徘徊
身外流年駛樽前落景催不應歸棹遠明月在高臺

資聖寺貴法師晚春茶會

虛室晝常掩心源知悟空禪庭一雨後蓮界萬花
中時節流芳暮人天此會同不知方便理何路由
樊籠

夏與熊王二秀才同宿僧院

共將纓上塵來問雪山人世網從知累禪心自證
真境空宜入夢藤古不留春一聽林公法靈嘉願
寄身

度東徑嶺

又過鴈門北不勝南客悲三邊上巖見雙淚望鄉

垂暮角雲中戍殘陽天際旗更看飛白羽胡馬在
封陞

夕次嶓山下

南國獨行日三巴春草齊漾波歸海疾危棧入雲
逆錦谷嵐烟裏刀州晚照西旅情方浩蕩蜀魄滿
林啼

元和癸巳余領蜀之七年奉詔徵還二月二
十八日清明途經百牢關因題石洞門

昔佩兵符去今持相印還天光臨井給春物度巴
山鳥道青冥外風泉洞壑間何懸班定遠辛苦玉

門關

慈恩寺起上人院

禪堂支許同清論
道源窮起滅
秋雲盡虛無
夕靄空池澄
山倒影林動
葉翻風他日
焚香待還來
禮惠聰

酬韓弁歸崖見寄

惆悵人間事
東山遂獨遊
露凝瑤草晚
魚戲石潭秋
軒冕應相待
烟霞莫遽留
君看仲連意
功立始滄洲

酬元十二

偶尋烏府客同醉習家池積雪初迷徑孤雲遂失
期風前勞引領月下重相思何必因樽酒幽心兩
自知

八月十五日酬從兄常望月有懷

坐愛圓景滿况茲秋夜長寒光生露草夕韻出風
簷地遠驚金奏天高失鴈行如何北樓望不得共
池塘

一作不及
在池塘

竇三中丞去歲有臺中五言四韻未及酬報
今領虔南途經蜀門百里而近願言款觀封
略間然因追曩篇持以贈之

在昔謬司憲常僚惟有君報恩如皎日致位等青
雲削藁盡難見除苛寧早聞雙旌不可駐風雪路
岐分

玉泉寺與潤上人望秋山懷張少尹

山寒天降霜烟月共蒼蒼况此綠巖晚尚餘丹桂
芳禪心殊衆樂人世滿秋光莫怪頻回首孤雲思
帝鄉

丁籤七十武元衡之二

唐音統籤卷十三

十三

五言律詩二

西亭題壁寄中書李相

昏旦倦興寢端憂力尚微
廉頗不覺老遽瑗始知
非授鉞虛三顧持衡曠萬機
空餘蝴蝶夢迢遞故

山歸

一作會應舟楫
便烟雨五湖歸

山中月夜寄朱張二舍人

午夜更漏裏九重霄
漢間月華雲闕迥秋色
鳳池閒御錦通清禁
天書出暗開嵇康不
求達終歲在空山

厚齋集
夏目對雨寄朱放拾遺

才非谷永傳無意謁王侯
小暑金將伏微涼麥正秋
遠山欹枕見暮雨閉門愁
更憶東林寺詩家第一流

秋晚途次坊州界寄崔五員外

崎嶇崖谷迷寒雨幕成泥
征路出山頂亂雲生馬蹄
望鄉程杳杳懷遠思悽悽
欲識分麾重孤城萬壑西

夜坐聞雨寄巖十少府

多負雲霄志生涯歲序侵
風翻涼葉亂雨滴洞房

深迢遞三秋夢
殷勤獨夜心
懷賢不覺寐
清磬發東林

秋夜寄江南舊遊

寥落九秋晚
端憂時物殘
隔林螢影度
出禁漏聲寒
愁雨洞房掩
孤燈遙夜闌
懷賢憂南國
興盡水漫漫

江上寄隱者

歸舟不計程
江月屢虧盈
雷濤滄波路
悠悠離別情
簾葭連水國
鼙鼓近梁城
却憶沿江叟
汀洲春草生

秋日將赴江上楊弘微時任鳳翔寄詩別
寂寞兩相阻悠悠南北心燕驚滄海遠鴻避朔雲
深夜夢江亭月離憂龍樹陰兼秋無限思惆悵屬
瑶琴

同洛陽諸公餞盧起居

蕭條寒日晏淒慘別魂驚寶瑟無聲怨金囊故贈
輕亦輝方載筆油幕尚言兵暮宿青泥驛煩君浹
滿纓

河東贈別鍊師

多累有行役相逢秋節分游人二失路野鶴亦離

羣戎馬犯邊壘天兵屯塞雲孔璋才素健羽檄定
紛紛

送鄧州潘使君赴任

川陸赤都會旌旗千里舒虎符中禁授熊軾上流
居橘柚金難並池塘練不如春風行部日應駐士
元車

送徐員外還京

九折朱輪動三巴白露生蕙蘭秋意晚關塞別魂
驚寶瑟連宵怨金螭盡醉傾旄頭星未落分手輓
轡鳴

送韋侍御司議赴東都

洛京千里近離緒亦紛紛文憲芙蓉沼元方羔鴈
羣河間連鞏樹嵩少接秦雲獨有臨風思暌攜不
可聞

送吳侍御司馬赴台州

盧耽佐郡遙川陸共迢迢風景經吳會文章變越
謠烟林繁橘柚雲海浩波潮余有靈山夢前君到
石橋

江津對雨送盧侍御

漢水清且廣江波渺復深葉舟烟雨夜之子別離

心汀草結春怨山雲連暝陰年年南北淚今古沾襟

送嚴侍御

巴徼故人去蒼蒼楓樹林雲山千里合霧雨四時陰
峽路猿聲斷桃源犬吠深不須貪勝賞漢節待南侵

送寇侍御司馬之明州

斟酒上河梁驚魂去越鄉地窮滄海闊雲入剡山長
蓮唱蒲魚熟人烟橘柚香蘭亭應駐楫今古共風光

周禮職方其利蒲魚盧綸詩同此利蒲魚誤本作蒲荷正之

送馮諫議赴河北宣慰

漢代衣冠盛堯年雨露多恩榮辭紫禁冰雪渡黃
河待詔孤城啓宣風萬里和今宵燕分野應見使
星過

送柳郎中裴起居

沱江水綠波喧鳥去喬柯南浦別離處東風蘭杜
多長亭春婉婉層漢路蹉跎會有歸朝日班超柰
老何

送李正字之蜀

已獻甘泉賦仍登片玉科漢官新組綬蜀國舊烟

蘿劒壁秋雲斷巴江夜月無窮別離思遙寄竹枝歌

送魏正則擢第歸江陵

客路商山外離筵小署前高文常獨步折桂及韶年
關國通秦限波濤隔漢川叨同會府選分手倍依然

送嚴紳遊蘭溪

剡嶺窮邊海君遊到嶺西暮雲秋水濶寒雨夜猿啼
地僻秦人少山多越路迷蕭蕭驅匹馬何處是蘭溪

送陸書記還吳

君住包山下何年入帝鄉
成名歸舊業嘆別見秋光
橘柚吳洲遠蘆花楚水長
我行經此路京口向雲陽

早春送歐陽鍊師歸山

雙鶴五雲車初辭漢帝家
人寰新甲子天路舊烟霞
羽節臨風駐霓裳逐雨斜
崑崙有琪樹相憶寄瑤華

送七兄赴歙

車馬去憧憧都門聞曉鐘
客程將日遠離緒與春

濃流水踰千度歸雲隔萬重玉杯傾酒盡不換慘
悽容

送兄歸洛使謁嚴司空

六歲蜀城守千莖蓬鬢絲憂心不自遣骨肉又傷
離楚峽饒雲雨巴江足夢思殷勤孔北海時節易
流移

送太常十二兄罷冊南詔却赴上都

鄉路自茲始征軒行復留張騫隨漢節王濬守刀
州澤國煙花度銅梁霧雨愁別離無可奈萬恨錦
江流

德宗皇帝挽歌詞三首

其三
古體

道啓軒皇聖威揚夏禹功謳歌亭育外文武盛明
中日月光連壁烟塵屏大風爲人所福處臺樹興
天通

聖曆勤政瑤圖慶運長壽宮開此地仙駕渺何
鄉風斷清笳調雲愁綠旆揚上升知不恨弘濟任
成王

嘗聞閭闔前星拱北辰錄今來大明祖輦駕橋山
曲松栢韻幽音魚龍燭寒燭歲歲秋風辭兆人歌
不足

順宗至德大聖皇帝挽歌詞三首

橋山同軌會軒后葬衣冠東海風波變西陵松柏
攢鼎湖仙已去金掌露寧乾萬古泉崩月空憐鳬
鴈寒

容衛曉徘徊嚴城闐闔開烏號龍馭遠遘密鳳聲
哀崑浪黃河注崦嵫白日頽恭聞天子孝不忍望
銅臺

哀挽渭川曲空歌汾水陽夜泉愁更咽秋日慘無
光續夏功傳啓興周業繼昌回瞻五陵上烟雨爲
蒼蒼

昭德皇后挽歌詞

玉宸將遷坐金鷄忽報晨珮環仙馭遠星月夜臺
新劒沒川空冷菱寒鏡不春國門車馬會多是濯
龍親

嚴嚴秘校故宅

掩淚山陽宅生涯此路窮香銷芸閣閉星落草堂
空麗藻浮名裏哀聲夕照中不堪投弔處隣笛怨
春風

和李中丞題故將軍林亭

帝里清和節侯家邸第春烟霏瑶草路苔暗杏梁

塵城郭悲歌舊池塘麗句新年年車馬客鍾鼓樂
他人

津梁寺採新茶與幕中諸公遍賞芳香尤異
因題四韻兼呈陸郎中

靈卉碧巖下萸英初散芳塗塗猶宿露采采不盈
筐陰竇藏烟濕單衣染焙香幸將調鼎味一爲奏
明光

宜陽所居白蜀葵荅詠柬諸公

冉冉衆芳歇亭亭虛室前敷榮時已背幽賞地宜
偏紅艷世方重素華徒可憐何當君子願知不競

暄妍

酬崔使君寄塵尾

賢人嘉尚同今製古遺風寄我襟懷裒辭君掌握
中金聲勞振遠玉柄借談空執玩馳心處迢迢巴
峽東

西川使宅有韋太尉時孔雀存焉暇日因與
諸公同翫座中兼故府賓妓興歎者久之因
賦是詩用廣其意

荀令昔居此故巢留越禽動搖金翠尾飛舞玉輝

陰

一作碧梧陰

上客撤瑤瑟美人傷蕙心會因南國使

歸放海雲深

丁籤七十武元衡之三

唐音統籤卷三十四

五言排律

途次昭應

去國策羸馬勞歌行路難地崇秦制險人樂漢恩
寬御沼澄泉碧官梨拂露丹謁成仙馭遠龍化宿
雲殘不問三朝寵誰陪萬國權至今松桂色長助
玉樓寒

奉酬中書李相公早朝於中書候傳點偶書
所懷

寥落曙鍾斷微明烟月沉翠霞仙仗合清漏掖垣

深北極星遙拱南山關迥臨蘭缸竟曉談琪樹欲
秋陰霄漢懸聯步貂蟬愧竝簪德容溫比玉王度
式如金魚水千年運簫韶九奏音代天驚度日擲
地喜開襟文武時方泰唐虞道可尋忝陪申及甫
清淨奉堯心

聞相公三兄小園置宴以元衡寓直因寄上
兼呈中書三兄

休沐限中禁家山傳勝遊露寒滯省夜木落庾闕
秋蘭菊迴幽步壺觴洽舊儔位高天祿閣詞異
牢愁孤思琴先覺馳暉水競流明朝不相見清祀

在園丘

奉酬中書相公至日園丘攝事合於中書後

閣宿齋移止於集賢院叙懷見寄之作

郊廟祇嚴祀齋莊覲上玄別開金虎觀不離紫微

天樹古長楊接池深

一作清

太液連仲山方補袞文

舉自傷年風澁銅壺漏香凝綺閣烟仍聞白雪唱

流詠滿鵬絃

奉酬淮南中書相公見寄

并序

皇帝改元之二年余與趙公同制入輔茲爲黃
門侍郎夏五月連拜弘文崇文太學士冬十月
詔授檢校吏部尚書兼門下侍郎彤弓旅矢出
鎮西蜀後九月趙公加太司馬之秩右弼如故

龍旂虎符出制淮海時號揚益俱爲重藩左右
皇都萬里何遠公手提兵柄心匪化源芳詞允
余情勤靡極質文相映金玉鏘然蜀道之阻畏
楚郊之厥物襟靈所屬盡在斯矣永懷趙公歲
寒交好之情因成詩人不可方
思之義聊書匪報以歎遐心

揚州隋故郡竹使漢名儒翊聖恩華異持衡節制
殊朝廷連受賑台座接訐謨金玉裁王度丹書奉
帝俞九重辭象魏十萬握兵符鐵馬秋臨塞虹旌
夜渡瀘江長梅笛怨天遠桂輪孤浩嘆烟霜曉芳
期蘭蕙蕪雅言書一札賓海鴈東閣歲月奔波盡
音徽霧雨濡蜀江分井絡錦浪入淮湖獨抱相思
恨關山不可踰

酬陸員外歙州許員外鄧州二使君

吳洲雲海接楚驛夢林長符節分憂重鵝鴻去路
翔艷歌愁翠黛寶瑟韻清商州草遙池合春風曉
旆張晉臣多樂廣漢主識馮唐不作經年別離魂
亦未傷

和楊弘微春日曲江南望

遲景靄悠悠傷春南陌頭暄風一潯蕩遐思幾殷
憂龍去空仙沼鸞飛掩妓樓芳菲餘雨露冠蓋舊
公侯朱戟千門閉黃鸝百轉愁烟濛宮樹晚花咽
石泉流寒谷律潛應中林蘭自幽商山將避漢晉

室正藩周黍稷聞興歎瓊瑤畏見投君心卽吾事
微尚在滄洲

酬嚴維秋夜見寄

遙夜思悠悠聞鍾遠夢休
亂林螢燭暗零露竹風秋
啓戶雲歸棟寨簾月上鈎
昭明逢聖代羈旅別滄洲
騎省潘郎思衡闥宋玉愁
神仙慙李郭詞賦謝曹劉
松栢應無變瑤瑤不可酬
誰堪此時景寂寞下高樓

長安秋夜懷陳京昆季

鐘鼓九衢絕出門千里同
遠情高枕夜秋思北窗

居暮色秋烟重寒聲牖葉虛潘生秋思苦陶令世
情疎已製歸田賦猶陳諫獵書不知青瑣客投分
竟何如

送許著作分司東都

瑤瑟激淒響征鴻翻夕陽署分刊竹簡書蠹護芸
香馬色關城曉蟬聲驛路長石渠榮正禮蘭室重
元方不作經年別離魂亦暫傷

題故蔡國公主九華觀上池院

朱門臨九衢雲木藹仙居曲沼天波接層臺鳳舞
餘曙烟翠碧篠香露濕紅葉瑤瑟含風韻紗窗積

翠虛秦樓今寂寞真界竟何如不與蓬瀛異迢迢
遠玉除

和楊二舍人晚秋與崔二舍人張祕監苗考
功同遊昊天觀時中書寓直不得陪隨因追
往年曾與舊僚聯遊此觀紀題在壁已有淪
亡書事感懷輒以呈寄兼呈東省三給事之
作楊君見徵鄙詞因以繼和

瑤圃高秋會金閨奉詔辰朱輪天上客白日洞中
人珮響泉聲雜朝衣羽服親九重青瑣閉三秀紫
芝新化藥秦方士偷桃漢侍臣玉笙王子駕遼鶴

令威身嘆逝頽波速緘詞麗曲春重將悽悵意蒼
壁間遺塵

甲午歲相國李公有北園寄贈之作吟玩歷
時屢促酬荅機務不暇未及報章今古遽分
電波增感留墓劒而心許感鄰笛而意傷寫
哀冥漠以廣遺韻云

機事勞西掖幽懷寄北園鶴巢深更靜蟬噪斷猶
喧仙醪百花馥艷歌雙袖翻碧雲詩變雅皇澤衆
流根未報雕龍贈俄傷淚劒痕佳城開白日哀挽
去青門禮命公台重烟霜隴樹繁天高不可問空

使輔星昏

歸燕

春色遍芳菲
閒簷雙燕歸
還同舊侶至
來遶故巢飛
敢望烟霄達
多慙羽翮微
銜泥傍金砌
拾葢到荆扉
雲海經時別
雕梁長日依
主人能一顧
轉盼自光輝

七言律詩

秋日書懷

金貂玉鉉奉君恩
夜漏晨鐘老掖垣
參決萬機空有愧
靜觀羣動亦無言
杯中壯志紅顏歇
林下秋

聲絳葉翻倦鳥不知歸去日青蕪白露滿郊園

南徐別業早春有懷

生涯擾擾竟何成自愛深居隱姓名遠鴈臨空翻
夕照殘雲帶雨過春城花枝入戶猶含潤泉水侵
堦乍有聲虛度年華不相見離腸懷土併關情

摩訶池宴

摩訶池上春光早愛水看花日日來穠李雪開歌
扇掩綠楊風動舞腰回燕臺事往空留恨金谷時
危悟惜財盡短欲將清夜繼西園自有月徘徊

幕中諸公有觀獵之作因繼之

刀州城北劔山東甲士屯雲騎散風旌旆遍張林
嶺動豺狼驅盡塞垣空銜蘆遠鴈愁縈繳繞樹啼
猿怯避弓爲報府中從事說燕然未勒莫論功

春題龍門香山寺

衆香天上梵仙宮鐘磬寥寥半碧空清景乍開松
嶺月亂流長響石樓風山河杳映春雲外城闕參
差曉樹中欲盡出尋那可三千世界本無窮

奉酬嚴司空荊州見寄

漢家征鎮委條侯虎節龍旌居上頭簾捲青山巫
峽曉烟開碧樹渚宮秋金笳曾掩胡人淚麗句初

傳明月樓白雪調高歌不得陽臺相顧翠蛾愁

又二作多同
並存之

金貂再入三公府玉帳連封萬戶侯
簾捲青山巫峽曉雲凝碧岫
渚宮秋劉琨坐嘯風清塞
謝朓裁詩月滿樓
白雪調高歌不得美人南望翠蛾愁

酬談校書長安秋夜對月寄諸故舊

故園千里渺遐情
黃葉蕭條白露生
驚鵲遶枝風滿幌
寒鐘送曉月當楹
蓬山高價傳新韻
槐市芳年挹盛名
莫怪孔融悲歲序
五侯門館重婁卿

酬陸三與鄒十八侍御

城分流水郭連山拂霧開懷一解顏令尹關中仙
史會河陽縣裏吏人閑共憐秋隼驚飛至久想雲
鴻待侶還莫恠殷勤留此地東崖桂樹昔同攀

崔敷歎春物將謝恨不同覽時余方爲事牽
束及往尋不遇題之留贈

九陌遲遲麗景斜禁街西訪隱淪賒門依高柳空
飛絮身逐閒雲不在家軒冕強來趨世路琴樽空
負賞年華殘陽寂寞東城去惆悵春風落盡花

春幕郊居寄朱舍人

幽深不謝子真居度日閑眠世事疎春水滿池新

雨霽香風入戶落花餘目隨鴻鴈窮蒼翠心寄烟
雲任卷舒回首知音青鎖闥何時一爲薦相如

秋燈對雨寄史近崔積

坐聽官城傳晚漏起看衰葉下寒枝空庭綠草結
離念細雨黃花贈所思蟋蟀已驚良節度茱萸偏
憶故人期相逢莫厭樽前醉春去秋來自不知

送崔判官還太原

勞君車馬此逡巡我與劉君本世親兩地山河分
節制十年京兆共風塵歌幾處胡天月羅綺長
留蜀國春報主自應須盡敵相期一作烟塵萬里寶刀

新

送張六諫議回朝

詔書前日下
丹霄頭戴儒冠脫
皂貂笛怨柳管烟
漠漠雲愁江館雨
蕭蕭鷺鴻得路爭
先翦松桂凌寒一作識
一作獨後凋歸去朝
端如有問玉門關
外老班超

同幕中諸公送李侍御歸朝

昔年專席奉清朝
今日持書卽舊條
珠履會中簫管思
白雲歸處帝鄉遙
巴江暮雨連三峽
劒壁危梁上九霄
歲月不堪相送盡
纓纓更爲別離凋

送田三端公還鄂州

孤雲迢遞戀滄洲，勸酒梨花對白頭。
南陌送歸車，騎合東城怨別管。
絃愁青油幕裏人如玉，黃鶴樓中月並鉤。
君去庾公應借問，馳心千里大江流。

至櫟陽崇道寺聞嚴十少府趨侍

雲連萬木夕沉沉，草色泉聲古院深。
聞說羊車趨盛府，何言瓊樹在東林。
松筠自古多年契，風月懷賢此夜心。
惆悵送君身未達，不堪搖落聽秋砧。

送溫況遊蜀

遊人西去客三巴，身逐孤蓬不定家。
山近裁眉飛

暮雨江連濯錦起朝霞雲深九折刀州遠路繞千巖
劍閣斜因到嚴君開卦處將余一爲問生涯

送李秀才赴滑州詣大夫舅

陌頭車馬去翩翩白面懷書美少年東武楊公姻
姪重西州謝傅舅甥賢長亭叫月新秋鴈官渡含
風古樹蟬知己滿朝留不住貴臣河上擁旌旛